

Գնահատման բաժիններ	Անբավարար՝ 0-4 միավոր	Լավ՝ 5-8 միավոր	Գերազանց՝ 9-10 միավոր
<p>Սցենարի համապատասխանելիությունը նպատակին՝ Երևանի գեղարվեստական ընկալմանը</p>	<p>Ներկայացվող սցենարը չի համապատասխանում խորագրին կամ միայն մասնակի է առնչվում Երևան քաղաքի հանրահոգակմանը: Ներկայացվող առաջարկը միտված չէ կամ միայն մասամբ է միտված Երևանի կերպարի գեղարվեստական ներկայացմանը:</p>	<p>Սցենարը որոշակիորեն կնպաստի Երևանի գեղարվեստական ներկայացմանը: Նախանշած նպատակների հետ կապը նկատվում է, սակայն առաջարկը որոշակիորեն հարմարեցված է խորագրին. ներկայացվող կապն ինչ-որ չափով արհեստական է:</p>	<p>Խորագրի համար նախատեսված առաջարկը լիովին համապատասխանում է Երևանի կերպարի հանրահոգակման նպատակին: Երևանը ներկայացվում է լավագույն լույսի ներքո և հետաքրքրություն առաջացնում քաղաքի նկատմամբ:</p>

<p>Հեղինակային լեզու և ոճ, դիտաշարի կառուցում, կերպարների ներկայացում</p>	<p>Հեղինակին չի հաջողվում ներկայացնել գաղափարը: Ստեղծագործության հղացման ու վերջնական արդյունքի հարաբերություն չկա կամ թերի է: Տեքստը աչքի է ընկնում պաթոսով, ճոռոմաբանությամբ, երկարաբանությամբ: Երկխոսությունները բավարար գեղարվեստականություն չունեն: Սցենարում ներկայված հարաբերությունները կեղծ են, հավատ չեն ներշնչում, անտրամաբանական շերտեր ունեն: Կերպարները հուզականություն չեն առաջացնում:</p>	<p>Տեքստը մասամբ է աչքի ընկնում գեղարվեստականությամբ: Հեղինակի ասելիքը մասամբ չի հասկացվում, նա ավելի շատ փորձում է պատմել, քան ցույց տալ: Գեղարվեստական տեքստը աչքի է ընկնում լեզվաոճական առանձնահատկություններով, սակայն որոշակի արհեստականություն է նկատվում, որով հեղինակը փորձում է շեշտել իր սեփական յուրահատկությունը: Կերպարները բնական են, արհեստական դրսևորումներ գրեթե չեն հանդիպում: Նրանց գործողությունները հիմնավորված են, գլխավորապես տրամաբանված: Կերպարները հուզականություն են առաջացնում, նրանց երկխոսությունները համապատասխանում են գեղարվեստական չափանիշներին:</p>	<p>Ասելիքը ներկայացված է վարպետորեն: Սցենարի գեղարվեստականությունը ներդաշնակում է հեղինակի լեզվաոճական ինքնատիպությանը: Ընտրված բառերը, նախադասությունները համատեքստի շրջանակներում են: Երկխոսությունները դիպուկ են և բնական: Սցենարում նկարագրվածն ամբողջապես բնական է, տրամաբանված է: Կերպարները հուզականություն են առաջացնում, դրդում ապրումակցման՝ ամբողջովին համապատասխանելով գեղարվեստական չափանիշներին:</p>
<p>Արդիականություն և նորարարական արժեք</p>	<p>Ներկայացված սցենարի բովանդակությունը ամենևին նոր չէ, թեման չարջրված է: Սցենար իր հերթին աչքի չի ընկնում նորարարական բաղադրիչներով, ձևով և բովանդակությամբ կրնօրինակում է առկա սյուժեներին:</p>	<p>Գաղափարը ինչ-որ չափով նոր է, թեև նման մոտեցում արդեն կիրառվել է կինոինդուստրիայում: Հեղինակն ինչ-որ չափով կարողացել է սցենարը համեմել նորարարական բաղադրիչներով: Առաջադրվող խնդիրները բարձրաձայնում են քաղաքային, ազգային կամ համամարդկային նշանակություն ունեցող հարցեր:</p>	<p>Սցենարն արժարժում է համամարդկային արդիական խնդիրներ, ունի խոր բովանդակություն: Տեքստն աչքի է ընկնում նորարարականությամբ, որոշ գեղարվեստական լուծումներ համահունչ են արդի մոտեցումներին:</p>

<p>Սցենարը ներկայացված է պատշաճ տեսքով, պահպանված են հայտի լրացման կանոնները</p>	<p>Սցենարն ուղարկված է, սակայն այն չի պահպանում ժանրի կանոններին: Սինոփսիսը/լոգլայնը բացակայում են: Բուն սցենարն ավարտուն չէ: Հայտում առկա են մի շարք տեխնիկական և ուղղագրական սխալներ, անճշտություններ:</p>	<p>Սինոփսիսն ու լոգլայնը համապատասխանում են պահանջներին, սցենարը վերջնական տարբերակով չէ: Հայտում նկատվում են որոշ տեխնիկական և ուղղագրական սխալներ, անճշտություններ:</p>	<p>Սինոփսիսն ու լոգլայնը համապատասխանում են պահանջներին, ուղարկված է սցենարի ավարտուն տարբերակը: Հայտում անճշտություններ և տեխնիկական սխալներ չկան:</p>
--	--	---	---